

安南紀畧

劉憲孫著

欽定安南紀畧卷十九

四月二十一日，打福康安孫士毅奏言：臣等連日在鎮南關，訊問陸續進關兵夫，俱於黎城撤兵時，或因迷失道故，或因傷病不能行走。阮惠不但加戕害，並令沿路夷人收留養贍，且有贈給盤費，遣人帶送進關者。據此情形，實有不必加兵之勢。至阮惠不敢抗拒。

天兵此語不但出之該夷目阮有暘等之口。即凡進
關將士亦衆口一辭。僉稱阮惠如有心抗拒。則
當黎城撤兵時。伊於富良市城等江聚眾攔截。
則我軍斷不能逕渡。即既渡後。或從後追躡。則
我軍回戰。必更有損傷。乃自黎城至於鎮南關。
並無追截之事。以此知其實非抗拒。今統計陣
亡官兵死於兵者十之二三。死於溺者十之七。

八其死於兵者當阮惠復來黎城欲與黎維祁
尋衅我兵與之相遇痛加殲戮彼衆因而抵禦
遂至互有殺傷其死於溺者緣富良江岸南北
相距三里有餘江面編竹為筏連筏為橋撤兵
時人馬擁擠橋斷筏沉一時落水是以淹斃較
多臣等細加察訪阮惠與黎氏為仇構爭蠻觸
其欲攘取者黎氏之國土其欲憑仗者

天朝之聲威。伊若有心抗拒。則是自絕於中國。將何
以號召其國人。阮惠決不出此。前日阮有暹等
到關。言詞舉止。加倍恭謹。而一種悚蕙情形。亦
時時溢於顏面。伊等係阮惠所遣心腹之人。定
受囑咐而來。則此時阮惠之悔罪輸誠。自非虛
假。惟是阮惠畏悔光景。且等在此。悉心體察。始
得其情。而

皇上於數千里之外一一

指示早已洞若觀火臣等不勝欽服至既惠前四次

迭出兵夫共五百八十餘名兩旬以來續行進

關兵丁復有一百四十二名隨到隨叩詢明令

其陸續歸伍其滇省兵丁自前次武舉馮振先

帶兵五十八名進口以後近日各邊隘未據報

有滇兵續進臣等已飭各關隘防守將弁如有

該兵等到口時。即速稟報。一面給與口糧路票。
一面移會雲貴總督富綱。俟該兵等到滇時。察
收歸伍。奏入。

上諭內閣曰。從前安南內訌。黎維祁啟關請救。朕念
該國恪恭職貢。百有餘年。今既遠來控訴。不得置
之不辨。是以特允孫士毅所請。帶兵出關進剿。既
惠望風震懼。遁回廣南。官兵自出關以後。未及一

月即將黎城收復。原無難乘勢長驅窮追深入。但
念該處地方瘴癘。兵夫易染疾病。且黎氏近年以
來。搆亂多故。黎維祁又復怯懦無能。優柔廢弛。左
右亦無可恃之人。安南雖屬僻壤。而立國已久。興
廢亦未必不關氣數。今其國事如此。看來

天心竟有厭棄黎氏之意。朕於孫士毅未奏克復黎城
之先。屢經降旨。諭令收復後。即行作速撤兵。乃孫

士殺未能遵旨撤兵耽延一月有餘以致阮惠糾
眾復來與黎維祁為難黎維祁怯懦先逃官兵始
行退出鎮將武弁間有傷亡亦因臨陣猝遇玉石
不分而許世亨等奮勇捐軀均已從優獎敘現在
奉應調集各路大兵整軍問罪方今國家全盛餉
足兵精天戈所指無不立就蕩平區區廣南一隅
豈能始終抗拒特因安南地方瘴氣甚盛實不值

損我師徒。蓋將弁兵丁等。若不多先用命。猶可治
以退怯之罪。今舉而委之瘴鄉。朕心實所不忍。即
使集兵會剿。竟將阮惠擒獲。廣南境土收入版圖。
又須添設官員兵弁。防守其地。該處水土惡劣。不
能久駐。且人情狙詐。反覆無常。前代郡縣其地者。
不久即生變故。歷有前車之鑒。難保數十年後。不
復滋生事端。將來大軍撤後。若又另立一人主持。

國事仍與阮惠無異。豈不徒勞兵力。是此事不值
大辦。朕已洞灼先機。胸有定見。所以黎城奏捷之
時。早經降旨撤兵。不待事後始行定計。不復興師
進討也。臨朕御五十餘年。辦理庶務。惟日孜孜。並
非老而厭兵。畏難息事。即如從前平定。噶爾回
部。金川。及甘肅臺灣。逆匪無不運籌宵旰。指示機
宜。仰賴

上蒼嘉佑。鑒朕不得已用兵之心。並非出於好大喜功。
故能所向克捷。迅奏膚功。今安南之事。揆之天時。
地利。斷無勞師遠涉之理。且王者有分土無分民。
亦不忍使該夷人頻櫻鋒鏑。是以決計不復用兵。
恐阮惠已震懾聲威。匝月之間。三次乞降。且將迷
失兵夫。供給貨送。將來伊若果誠心懇乞赴闕求
恩。或可鑒其悔罪。惻愍量加封號。朕之撫馭外夷。

恩威並著大義昭然無不仰體

上天好生之德從未敢稍萌窮兵黷武之見天下臣民
諒無不共見共聞特將辦理安南昭末緣由通諭
中外使咸喻朕意焉

臣等謹案

國家撫馭中外遐邇一體無非以如

天好生為心黎維祁當積弱多故之後昏庸蕙懦不克

有為氣數已訖於漸滅且其地僻在瘴鄉而
廣南尤為水土惡劣若勞師遠涉於天時地
利均所未宜我

皇上洞澈敬先早成

睿斷固不以畏難息事復不欲黷武圖功並

念凡在夷民胥吾赤子不忍令其頻罹鋒鏑而阮氏

既知畏威屢次抒誠服罪即

鑒其惘歎嘉興更新仰見

聖皇制治溫肅兼施一皆奉

天道以從事也

同日福康安又奏言伏查黎侗心依黎氏始終
不肯改操實為安南陪臣內能知大義之人昨
有夷目黎允俊等到關臣親加詢問據稱該國
印篆黎侗暗藏在身逃至處北因患病不能行

走潛匿該處止將印文蓋在空白紙上令黎允
俊帶進關來黎個俟病好後親將印篆送進臣
驗看空白印文實係

欽頒安南之印因面詢爾等既攜帶空白印文由間
道到關黎個何不將印篆交爾等一併送進據
稱恐我們帶印前來中途或有遺失不肯放心
必欲俟伊病好親自送來等語查黎允俊等所

聞

稱黎個潛匿之處北地方距鎮南關約五六百里若派弁兵前往接應少則與事無濟多則正值阮惠節次乞降一聞官兵出關必致頓生疑懼是以臣擬仍令黎個進京一節俟進關之後再行告知奏入報

二十六日壬福康安奏言四月十三日有進關